

BOSNA I HERCEGOVINA
MINISTARSTVO PRAVDE

Broj: RU-232/04
Sarajevo, 30.12.2004.godine

Ministarstvo pravde, rješavajući po zahtjevu Udruženja građana za povrat stare devizne štednje u Bosni i Hercegovini i dijaspori, Banja Luka, ulica Ivana Gorana Kovačića broj 139 b, za upis u Registar udruženja, na osnovu člana 33., a u vezi sa članom 28. st. 1., 2. i 5. Zakona o udruženjima i fondacijama Bosne i Hercegovine («Službeni glasnik BiH», broj 32/01), donosi

RJEŠENJE
o upisu u Registar udruženja

1. U Registar udruženja kod Ministarstva pravde upisuje se udruženje pod nazivom:
Udruženje građana za povrat stare devizne štednje u Bosni i Hercegovini i dijaspori
Удружење грађана за поврат старе девизне штедње у Босни и Херцеговини и дијаспори
Udruga građana za povrat stare devizne štednje u Bosni i Hercegovini i dijaspori

Sjedište Udruženja je: ***Banja Luka, ulica Ivana Gorana Kovačića broj 139 b.***
2. Udruženje je upisano pod registarskim brojem **RU-232/04**, knjiga registra I, dana **30.12.2004.godine**.
3. Udruženje ima svoj znak. Znak udruženje je okruglog oblika, plave boje sa rukom koja drži deviznu knjižicu, utisnutu u sredini.
4. Danom izdavanja ovog rješenja registrovano udruženje ima slobodu djelovanja na cijelom području Bosne i Hercegovine i u obavljanju svoje djelatnosti može upotrebljavati isključivo svoj registrovani naziv.
5. Ciljevi odnosno djelatnosti za koje je udruženje osnovano su:
 - udruženje je osnovano radi efikasnijeg i racionalnijeg ostvarivanja i izražavanja prava i interesa članova udruženja u procesu zadovoljavanja njihovih statusnih ekonomskih, socijalnih, humanitarnih i drugih potreba u skladu sa Zakonom;
 - da se sve novonastale države na teritoriji prethodne SFRJ obavežu na povrat stare devizne štednje po dogovorenim uslovima sa predstavnicima udruženja;
 - zaštita interesa i prava deviznih štediša stere devizne štednje pred nadležnim organima i institucijama u Bosni i Hercegovini, u zemljama člancima bivše SFRJ koje su imale otvorene filijale svojih osnovnih banaka u Bosni i Hercegovini kod kojih su štediša iz Bosne i Hercegovine otvorile račune devizne štednje kao i pred međunarodnim institucijama i sudovima uključujući i Evropski sud za ljudska prava u Strazburgu;
 - pokretanje inicijative da se zakonskom i drugom pravnom regulativom utvrde optimalni uslovi za isplatu stare devizne štednje, posebno vodeći računa o starosnom i materijalnom statusu članova udruženja- štediša;
 - informisanje članova i građana Bosne i Hercegovine o djelovanju Udruženja;

- druge vidove i načine demokratske borbe u skladu sa evropskim standardima;
 - obavljanje i drugih aktivnosti u skladu sa Zakonom i Statutom udruženja.
6. Udruženje stiče svojstvo pravnog lica danom upisa u registar ovog ministarstva, a lice ovlašteno za zastupanje udruženja je:
- Svetozar Nišić, Banja Luka, ulica Ivana Gorana Kovačića 139 b- predsjednik Upravnog odbora.**

O b r a z l o ž e n j e

Udruženje građana za povrat stare devizne štednje u Bosni i Hercegovini i dijaspori podnijelo je zahtjev za upis u Registar udruženja kod Ministarstva pravde. Uvidom u dostavljenu dokumentaciju: Zajednički sporazum o osnivanju udruženja, Statut udruženja, Odluka o imenovanju lica ovlaštenog za zastupanje udruženja, te drugih potrebnih dokumenata, utvrđena je njena usaglašenost sa Zakonom o udruženjima i fondacijama Bosne i Hercegovine i da su ispunjeni zakonski uslovi za upis u registar, te je na osnovu toga riješeno kao u dispozitivu ovog rješenja.

Pravna pouka: Protiv ovog rješenja može se uložiti žalba Komisiji za žalbe, u roku od 15 dana od dana prijema istog.

Žalba se podnosi putem ovog Ministarstva u tri primjeraka.

Rješenje dostavljeno:

- Udruženju
- Zbirka isprava
- «Službeni glasnik BiH»

